

欽定四庫全書

子部

本草綱目卷十七下



南京中医药大学图书馆版权所有

詳校官太醫院醫官臣姜晟

編修臣倉聖脈覆勘

欽定四庫全書

本草綱目卷十七下

草之六
毒草類
三十種

天雄
本經
下品

釋名白幕

本經時珍曰天雄乃種附子而生出或變
出其形長而不生子故曰天雄其長而尖

者謂之天

雄象形也

集解

別錄曰天雄生少室山谷二月采根陰乾弘景
曰今採用八月中旬旬天雄似附子細而長乃至

明
李時珍
撰

三四寸許此與烏頭附子三種本出建平故謂之三
建今宜都徂山者最好謂為西建錢塘間者謂為東
建氣力小弱不相似故曰西水猶勝東白也其用灰
殺之時有水强者不佳恭曰天雄附子烏頭並以蜀
道綿州龍州出者佳餘處縱有力弱不相似陶以三
物俱出建平故名之者非也烏頭苗名莖音斬爾雅
云莖莖草是也今訛莖為建遂以建平譯之矣承曰
天雄諸說悉備但始種而不生附子側子經年獨長
大者是也蜀人種之尤忌生此以為不利如養蠶而
成白殭之意時珍曰天雄有二種一種是蜀人種附
子而生出長者或種附子而盡變成長者即如種芋
形狀不一之類一種是他處草烏頭之類自生成者
故別錄註烏喙云長三寸已上者為天雄是也入藥
須用蜀產曾經釀制者或云須重二兩半有象眼者
乃佳餘見
附子下

修治

得 毀曰宜炮皴去皮尖底用或陰制如附子法亦

甚佳時珍曰熟用一法每十兩以酒浸七日掘土坑
用炭半秤煨赤去火以醋二升沃之候乾乘熱入天
雄在內小盆合一
夜取出去臍用之

氣味辛溫有大毒

別錄曰甘大溫權曰大熱宜乾薑
制之才曰遠志為之使惡腐

婢忌
豉汁

主治大風寒濕痺歷節痛拘攣緩急破積聚邪氣金

瘡強筋骨輕身健行

本經

療頭面風去來疼痛心腹結

聚關節重不能行步除骨間痛長陰氣強志令人武

勇力作不倦

別錄禹錫曰按淮南子云天雄雄雞志氣益注云取天雄一枚納雄雞腸中搗

食之令人勇

治風痰冷痺軟脚毒風能止氣喘促急殺禽

蟲毒

甄權

治一切風一切氣助陽道暖水臟補腰膝益

精明目通九竅利皮膚調血脈四肢不遂下胸膈水

破瘰癧癰結排膿止痛續骨消瘀血背脊偃僂霍亂

轉筋發汗止陰汗炮含治喉痺

大明

發明

宗奭曰補虛寒須用附子風家多用天雄亦取其大者以其尖角多熱性不肯就下故取其數

散也元素曰非天雄不能補上焦之陽虛震亨曰天雄烏頭氣壯形偉可為下部之佐時珍曰烏附天雄

皆是補下焦命門陽虛之藥補下所以益上也若是
上焦陽虛即屬心脾之分當用參芪不當用天雄也
且烏附天雄之尖皆是向下生者其氣下行其臍乃
向上生苗之處寇宗奭言其不肯就下張元素言其
補上焦陽虛皆是誤認尖為上爾惟朱震亨以為下
部之佐者得之而未發出此義雷斅炮炙論序云咳
逆數數酒服熟雄謂以
天雄炮研酒服一錢也

附方

新

三建湯

治元陽素虛寒邪外攻手足厥冷大
小便滑數小便便白渾六脈沉微除固

冷扶元氣及傷寒陰毒用烏頭附子天雄並炮裂去
皮臍等分咬咀每服四錢水二盞薑十五片煎八分
溫服
肘後方 男子失精 天雄三兩炮白朮八兩桂枝六兩
龍骨三兩為散每酒服半錢 張
仲景金 大風惡癩 三月四月采天雄烏頭苗及根去
土勿洗搗汁漬細粒黑豆摩去皮

不落者一夜取出晒乾又浸如此七次初吞三枚漸加至六七枚禁房室猪魚雞蒜犯之即死

側子

別錄
下品

釋名翦子

時珍曰生于附子之側故名許慎說文作翦子

集解

弘景曰此附子邊角之大者削取之昔時不用比來醫家以療腳氣多驗恭曰側子附子皆是

烏頭下旁出者以小者為側子大者為附子今以附子角為側子理必不然若當陽以下江左山南嵩高齊魯間附子時復有角如大豆許夔州以上劍南所出者附子之角但如黍粟豈可充用比來都下皆用細附子有效未嘗取角也保昇曰今附子邊果有角如大棗核及檳榔以來者形狀自是一顆且不小乃烏頭旁出附子附子旁出側子甚明時珍曰側子乃附子旁粘連小者爾故吳普陶弘景皆指為附子角

之大者其又小於側子者即漏藍子矣故楊氏
附子記言側子漏藍園人皆不重之以乞役夫

修治

同附子

氣味辛大熱有大毒

普曰神農岐伯有大毒八月采畏惡與附子同

主治癰

腫風痺歷節腰脚疼冷寒熱鼠瘻又墮胎

別錄

療脚氣

冷風濕痺大風筋骨攣急

甄權

冷酒調服治遍身風癰

神妙

雷敷

發明

機曰烏頭乃原生之腦得母之氣守而不移居乎中者也側子散生旁側體無定在其氣輕揚

宜其發散四肢充達皮毛為治風之藥天雄長而尖其氣親上宜其補上焦之陽虛木鼈子則餘氣所結

其形催殘宜其不入湯服令人喪目也時珍曰唐元
希聲侍郎治癰瘰風有側子湯見外臺秘要藥多不
錄

漏藍子

綱目

釋名木鼈子

炮炙論

虎掌

日華時珍曰此乃附子之瑣細未成者小而漏藍故名南

星之最小者名虎掌此物類之故亦同名大明會典
載四川成都府歲貢天雄二十對附子五十對烏頭
五十對漏藍二十斤不知何用

氣味苦辛有毒

教曰服之令人喪目

主治惡痢冷漏瘡惡瘡癰

風

時珍

發明

時珍曰按楊士瀛直指方云凡漏瘡年久者復其元陽當用漏藍子輩加減用之如不當用而

輕用之又恐熱氣乘虛變移結核而為害尤甚也又按類編云一人兩足生瘡臭潰難近夜宿五夫人祠下夢神授方用漏藍子一枚生研為末入膩粉少許并水調塗依法治之果愈蓋此物不堪服餌止宜入瘡科也

附方

新一切惡痢 雜下及休息痢百歲丸用漏藍子一箇大者阿膠木香黃連罌粟殼

各半兩俱炒焦存性入乳香少許為末糊丸梧子大每一歲一丸米飲下 羅天益衛生寶鑑

烏頭

本經下品

校正

併入拾遺 獨白草

釋名烏喙

本經即兩頭尖

草烏頭

綱目

土附子

日華

奚毒

本經

耿子

吳毒公

吳普又

金鴉

綱目

苗茗艮

音艮

及莖

音莖

近獨

白草

吳普名帝秋

拾鴛鴦菊

綱目

汁煎

名射罔

普曰鳥頭形如鳥之頭也

有兩歧相合如鳥之喙者

名曰鳥喙

即鳥頭異名也

此有三歧者然兩歧者少若鳥頭兩歧名鳥喙則天

雄附子之兩歧者復何以名之時珍曰此即鳥頭之

野生於他處者俗為之草鳥頭亦曰竹節鳥頭出江

北者曰淮鳥頭日華子所謂土附子者是也鳥喙即

偶生兩歧者今俗呼為兩頭尖因形而名其實乃一

物也附子天雄之偶生兩歧者亦謂之鳥喙功亦同

于天雄非此鳥頭也蘇恭不知此義故反疑之草鳥

頭取汁晒為毒藥射禽獸故有射罔之稱後魏書言

遼東塞外秋收鳥頭為毒藥射禽獸陳藏器所引續

漢五行志言西國生獨白草煎為藥敷箭射人即死

者皆此鳥頭非川鳥頭也菊譜云鴛鴦菊即鳥喙苗

者皆此鳥頭非川鳥頭也菊譜云鴛鴦菊即鳥喙苗

也

集解

別錄曰烏頭烏喙生朗陵山谷正月二月采陰乾長三寸以上者為天雄普曰正月始生葉厚

莖方中空葉四四相當與蒿相似弘景曰今採用四月亦以八月采搗芞莖汁日煎為射罔獵人以傅箭射禽獸十步即倒中人亦死宜速解之朗陵屬汝南郡大明曰土附子生去皮搗濾汁澄清旋添晒乾取膏名為射罔以作毒箭時珍曰處處有之根苗花實並與川烏頭相同但此係野生又無釀造之法其根外黑內白皺而枯燥為異爾然毒則甚焉段成式酉陽雜俎言雀芋狀如雀頭置乾地反濕濕地反乾飛鳥觸之墮走獸遇之僵似亦草烏之類而毒更甚也又言建寧郡烏勾山有牧靡草鳥鵲誤食烏喙中毒必急食此草以解之牧靡不知何藥也

修治

時珍曰草烏頭或生用或炮用或以烏大豆同煮熟去其毒用

烏頭氣味辛溫有大毒

別錄曰甘大熱大毒普曰神農雷公桐君黃帝甘有毒權

曰苦辛大熱有大毒大明曰味蒸辛熱有毒之才曰莽草遠志為之使反半夏枯樓貝母白斂白芨惡藜蘆時珍曰伏丹砂砒石忌豉汁畏飴糖黑豆冷水能解其毒

主治中風惡風洗洗

出汗除寒濕痺欬逆上氣破積聚寒熱其汁煎之名

射罔殺禽獸

經本

消胸上痰冷食不下心腹冷痰臍間

痛不可俛仰目中痛不可久視又墮胎

別錄

主惡風憎

寒冷痰包心腸腹疔痛疥癬氣塊齒痛益陽事強志

甄權治頭風喉痺癰腫疔毒時珍

烏喙一名兩頭尖氣味辛微温有大毒

普曰神農雷公桐君黃帝

有毒權曰苦辛大熱畏惡同烏頭

主治風濕丈夫腎濕陰寒癢寒熱

歷節掣引腰痛不能行步癰腫膿結又墮胎

別錄男子

腎氣衰弱陰汗瘰癧歲月不消

甄權主大風頑痺時珍

射罔氣味苦有大毒

之才曰温大明曰人中射罔毒以甘草藍汁小豆葉浮萍冷水

薺莧皆可一味禦之

主治尸症癰堅及頭中風痺

別錄癰瘡瘡根

結核瘰癧毒腫及蛇咬先取塗肉四畔漸漸近瘡習

習逐病至骨瘡有熱膿及黃水塗之若無膿水有生

血及新傷破即不可塗立殺人

藏器

發明

時珍曰草烏頭射罔乃至毒之藥非若川烏頭附子人所栽種加以釀制殺其毒性之比自非

風頑急疾不可輕投甄權藥性論言其益陽事治男子腎氣衰弱者未可遽然也此類止能搜風勝濕開頑痰治頑瘡以毒攻毒而已豈有川烏頭附子補右腎命門之功哉吾新邾知府自負知醫因病風癱服草烏頭木鼈子藥過多甫入腹而麻痺遂至不救可不慎乎機曰烏喙形如鳥嘴其氣鋒銳宜其通經絡利關節尋蹊達徑而直抵病所煎為射罔能殺禽獸非氣之鋒銳捷利能如是乎楊清叟曰凡風寒濕痺骨內冷痛及損傷入骨年久發痛或一切陰疽腫毒並宜草烏頭南星等分少加肉桂為末薑汁熱酒調

塗未破者能內消久潰者能去黑爛二藥性味
辛烈能破惡塊逐寒熱遇冷即消遇熱即潰

附方

舊四新
四十八

陰毒傷寒

生草烏頭為末以葱頭蘸藥
納穀道中名提盆散 王海

藏陰證
畧例

二便不通

即上方名
霹靂箭

中風癱瘓

手足顛掉言
語蹇澀左經

丸用草烏頭炮去皮四兩川烏頭炮去皮二兩乳香
沒藥各一兩為末生烏豆一升以斑蝥三七箇去頭
翅同煮豆熟去蝥取豆焙乾為末和勻以醋麴
糊丸梧子大每服三十丸溫酒下 簡易方 癱瘓

頑風

骨節疼痛下元虛冷諸風痔漏下血一切風瘡
草烏頭川烏頭兩頭尖各三錢硫黃麝香丁香

各一錢木鼈子五箇為末以熟蘄艾揉軟合成一處
用鈔紙包裹燒熏病處名雷丸 孫天仁集效方

諸風不遂

宋氏集驗方用生草烏頭晚蠶沙等分為
末取生地龍搗和入少醋糊丸梧子大每